

7
DISPUTATIO
DE
CALIDO INNATO,
QUAM

Ex Decreto Amplissimi
COLLEGII MEDICI
CELEBERRIMÆ ARGEN-
TORATENSIIUM ACADEMIÆ

PRO

*Impetrandis in arte Medica honoribus & privi-
legiis Doctoralibus proponit, divinæ ad-
jutus assistentia publicè & solen-
niter defendere cona-
bitur*

JOANNES ALBERTUS SEBIZIUS
ARGENTORATENSIS.

Habebitur d.

Martij horis matutinis.



ARGENTORATI.

Typis JOHANNIS REPPII.

ANNO M. DC. XL.

T H E S I S I.



Erissimum est illud πολυβύβλιον, δύσκολα τὰ
καλὰ, difficilia quæ præclara & pulchra.

V. P. 8.

2. Fidem faciunt tum alia multa, quæ
in Medicina & Philosophia traduntur: tum
vel imprimis ea Medicæ Physiologiæ pars,
quæ de *Calido Innato* differit.

V. P. 7.

3. Causa difficultatis videtur esse duplex: una rei ipsius
obscuritas: altera Authorum, qui de illo aliquid literarum
monumentis consignârunt, dissensus.

4. Non tamen ob causas hasce doctrina ista negligenda:
sed potius quò obscurior difficiliorque illa est, eò majori
studio & diligentia in veritatis inquisitionem incumbendum.

5. Disputaturus ergò de *Calido innato*, duas meæ dissertationis partes faciam: quarum prior ὀνομασολογίαν continebit: in qua de varia & multiplici innati calidi significatione agam, & quæ mei sit instituti, quibusque nominibus insignita, in apertum proferam: posterior πραγμασολογίαν proponet: in qua primùm de *FORMA*, hoc est de *Natura*, quidditate & essentia calidi nativi verba faciam, & cuius illud tum temperamenti, tum qualitatis ac conditionis sit, declarabo. Deinde de *MATERIA* ex qua loquar, & qua ex materia sit generatum, ostendam. Tertiò *MATERIAM* in qua, hoc est ipsum subiectum, cui πρώτως, & cui δευτέρως inhæreat,

P. 12.

aggrediar: simul etiam quæ in ætate maximè vigeat, quæque
langueat admodum, edisseram. Quartò ad MATERIAM
CIRCA QUAM, id est ad pabulum illius, quo fovetur & su-
stentatur, accedam. Quintò CAUSAM EFFICIENTEM,
hoc est, illas causas, quæ innatum calidum vel mutant, vel
prorsus interimunt, attingam. Sextò paucula quædam de
CAUSA FINALI dicam, & quæ utilitas, quæque necessi-
tas innati calidi sit, breviter declarabo: ubi occasio erit di-
spiciendi, quanam vires atque effectus, sive operationes &
actiones illius existant?

6. Antequam quot modis innatum calidum acci-
piatur exponam, quot modis τὸ θερμὸν dicatur, significabo.

7. Galen. Comment. i. aphor. 14. scribit, Calidi nomine
primùm indigitari nudam simplicemque qualitatem pati-
bilem, cuius proprium nomen est θερμότης, caliditas. Sumi-
tur ergò hac ratione in abstracto. Deinde accipi non pro
qualitate nuda, sed pro corpore, quod calidum est. De hoc
enim τὸ θερμὸν παντὶς prædicatur. Atque hanc significa-
tionem ait non solum in omni vita frequentissimam esse,
sed etiam usitatissimam olim fuisse apud priscos: idque au-
thoritate Theophrasti ex lib. de cal. & frigido confirmat.

8. Hanc distinctionem tradit etiam lib. i. de elem. cap. 6.
ubi & in abstracto, & in concreto calidum dici asserit.

9. Quid autem per calidum innatum inaudiendum
sit, non priscis solum temporibus controversum fuit, sed
etiam nostra ætate inter artis proceres haud satis constat.

10. Galenus lib. adversus Lycum cap. 7. per calidum in-
natum intelligit duo principia nostræ generationis, semen
& sanguinem maternum.

11. Idem rursus lib. 3. simpl. c. 5. per illud innuit spiritum
nobis insitum. Subdit insuper, nil prohibere, quò minus
per τὸ ἐμφύτον θερμὸν sanguineam substantiam simulq; æream
(in

(in margine habetur seminalis) unà cum spiritu inaudiamus.

12. *Commento 1. aphor. 14* scribit, innatum calidum insitam simul & influentem esse substantiam.

13. *Commento 1. aphor. 15. & Comm. 5. aphor. 22.* & alibi aliquoties innatum calidum pro Natura nostra accipit: quā in sententia etiam *Fernelius est lib. 4. quæst. 10. c. 7.* Si propriè, inquit, agendum est, dicendum, Naturam esse calidum innatum.

14. *Valleriola l. 1. locor. comm. c. 15.* in fine ait, nativi calidi substantiam intelligi à se trifariam: vel primam illam atque purissimam solidarum partium substantiam, ex semine procreatam, quæ vera est ac propria innati caloris ratio: vel eandem ipsam alimonia auctam, sed factam degenerem, minusq; puram substantiam, alimentorum ope atque præsidio genitam: vel humidum omne corpus calore & spiritu perfusum.

15. Hæc namque tria promiscuè innatum calidum appellari asseverat: sed propriè ac verè solidorum substantiam, in humido radicali ac primigenio sitam atque constabilitam.

16. Alii asseverant, innatum calidum temperamentum corporis esse, teste *Salvo Selano comm. 1. in μικροτέχνη. fol. mihi 20.* Idque hoc modo planum faciunt. Quod est Natura, est temperamentum: quia *Galen. lib. 3. de temperam. cap. 4.* scribit, Naturam esse substantiam & temperiem, quæ ex 4. elementis conflatur. At calidum innatum est Natura: ut scriptum reliquit *Gal. comm. 1. aphor. 15. & lib. de tremor. c. 6.* E. Calidum innatum est temperamentum.

17. Sunt, quibus persuasum est, calidum innatum facultatem esse corpus nostrum gubernantem.

18. *Dr. Grato lib. Epistol. Medic. à Scholtzio editarum*

Epistol. iis statuit, innatum calidum vim quandam esse conservatricem, nutriendi scil. augendi, & generandi. Qua quidem ratione calidum innatum pro Anima ipsa usurpatur. Quæ quondam etiam *Stoicorum* fuit opinio: qui calidum innatum putabant spiritum esse: & spiritum Animam; teste *Galen. lib. 5. simpl. cap. 5.* Erat & quorundam aliorum *Philosophorum* sententia: quoniam credebant, calorem, quem ignem vocabant, Animam esse, principemque causam operationum corporis animati, sic referente *Aristotele lib. 2. de An. cap. 4. t. 40.* Imò ipsius quoque *Galen* placitum fuit. Nam *lib. de tremore &c. cap. 6.* ingenuè fatetur, Animam & Naturam nil aliud esse, quàm calorem insitum, & primogenitum.

19. Ex his liquet, innatum calidum à diversis Authoribus diversimodè usurpari: nimirum, pro primordiis nostræ generationis, pro spiritu, pro natura, pro temperamento, pro Facultate corpus nostrum regente, pro solidarum partium substantia, pro quovis humido corpore calore & spiritu perfuso, pro anima ipsa. *Horatius Augenius lib. 1. de Febr. c. 9.* Temperamentū corporis, Naturam, & Calidum innatum pro uno eodemque habet.

20. Verum nulla harum significationum mei jam est instituti: quoniam propriæ non videntur. Nam vel effectus pro causa: vel causa pro effectu: vel subjectum pro adjuncto: vel instrumentum pro agente principali: vel pars pro toto sumitur. Ea est hujus loci, qua pro corpore ex humore atq; spiritu conflato, & undiquaq; calore perfuso, accipitur.

21. Calidum istud, quod à qualitate, quæ in eo est efficacissima, secundum *Galenum l. adv. Lycum c. 7.* nomen accepit, variis est nominibus insignitum. Dicitur enim ἐμψυχόν, σύνψυχον ἢ ζωτικόν θερμόν, insitum, connatum, & vitale. Ἀρχόγον item, & πρωτόγονον, primogenitum, sive primogenium, humi-

humidum radicale, balsamum naturale, sulphur vitale, mumia vitalis, calidum cœleste, calidum elemento stellarum ἀνάλογον, spiritus insitus, calidum fixum, firmatum, complan-
tatum & complexionale.

22. Ἐμφύλον, σύμφυτον, ἀρχήγονον, ἢ πρωτόγονον, ad differentiam caloris influentis & adventitii: quoniam à nativitate & primordiis nostræ generationis nobis est implantatum, & prius tempore cæteris corporis humoribus. *Clarissimus tamen Schegkius l. de Cal. & Humid. innat.* subtilius inter ἔμφυτον, & σύμφυτον δερμὸν distinguit: & ἔμφυτον solis inesse animatis statuit: σύμφυτον verò & in his, & in omnibus etiam mixtis homogeneis, sive inanimatis reperiri asseverat. Ἐμφύλον perire vult animali defuncto: σύμφυτον etiam in cadavere aliquandiu permanere: tandem tamen à calore ambientis evocari, & cadaver putrescere dicit.

23. *Humidum radicale*: quia caloris totiusque vitæ radix est & fundamentum.

24. *Balsamum naturale*: vel quia substantia est balsami instar pretiosa: vel quia balsami in modum efficax. Quæ enim anima agit, auxilio calidi istius agit. Vel quia humor est, ut balsamum, aërea humiditate præditus. Vel quia balsami instar corpus à putredine præservat.

25. *Sulphur vitale*: quia ut sulphur pingue est & æreum. Sulphure enim axungia terræ nuncupari solet.

26. *Mumia vitalis*: eandem ob causam. Succus quippe est ad continuandam vitam, vitæque actiones exercendas summè necessarius: & is quidem balsamicus, pinguis scil. & aëreus, uti dictum.

27. *Calidum cœleste*, stellarumque elemento ἀνάλογον. Quoniam multi, inter quos *Fernelius, Valleriola, Andernatus, Rato, & alij*, calidum istud cœlestis & æthereæ naturæ esse credebant: de qua tamen re quid sentiam, infrà dicam.

28. *Spiri-*

28. *Spiritus insitus*: quoniam non aliunde nobis jam genitis est inditum: sed in prima formatione ex principiis nostræ generationis impressum. Quo nomine etiam complantatum appellatur. Fixum insuper, firmum, & constans: quoniam licet ætatis decursu minuatur: perseverare tamen ad extremum usque senium solet. Semper enim similes partes aliquid illius in omnem vitam reservant.

28. *Sal vite*: non ratione substantiæ, aut qualitatis: sed ratione virtutis & efficaciz. Ut enim juxta *Plinium* Sole & sale nihil est utilius: sic in corpore nil proficuum magis calido innato.

30. Hæc de *ὀνομαστολογία*. Sequitur *πραγμαστολογία*, & primum definitio calidi innati, quæ naturam & essentiam ejus declarat.

31. *Id autem Fernelius lib. 4. φυσιολ. cap. 6. & cum eo Ander-nacus comm. 2. vet. & nov. Med. dial. 6.* aliique complures definiunt, quod sit humidum primigenium insito spiritu & calore perfusum.

32. Rectius forsan definitur corpus humidum atque æereum, quod ex humido primogenito spirituque calore perfusis est conflatum, & à prima nativitate ex principiis nostræ generationis implantatum, ut anima illius ope atq; auxilio suas exercere operationes in partibus valeat.

33. Ex hac definitione liquet *primum*, calidum innatum simplex corpus non esse, sed omninò mixtum: quod ex gemina substantia, humida & spirituosâ, est compositum. Distinguimus enim inter calorem nativum, & calidum innatum: & per illum nudam qualitatem, formamque accidentalem, ipsam scil. caliditatem intelligimus: per hoc substantiam corpoream, quæ subjectum est, cui calor ille in-hæret.

34. Patet *deinde*, humidam illam substantiam esse primo-

primogeniam: non elementarem illam, qua veluti glutine, sive vinculo, terrenæ corporum partes junctæ cohærent: neque alimentariam, qua partes nutriuntur. Triplici enim hoc humoris genere quælibet particula est donata.

35. Elementare namque humidum omnibus inest corporibus mistis, & consequenter etiam inanimatis: quoniam terrenas partes quasi conglutinat. At calidum nativum solis animatis concessum est corporibus: quoniam ejus ministerio functiones obeuntur.

36. Deindè, elementare humidum aqueum est, calori planè inimicum. Nostrium verò humidum, quod ἀρχιγονον & πρωτόγονον, pingue est, oleosum & aëreum, adeoque gratum caloris pabulum.

37. Tertiò, elementare, seu aqueum humidum, etiam in defunctis aliquandiu perseverat. Humidum verò primogenium maximam partem in iis, qui naturali morte interierunt, est consumptum.

38. Alimentarium verò humidum triplex ab Hippocr. l. περὶ τροφῆς statuitur: μέλλον τροφή, futurum alimentum: αἶον τροφή, quasi alimentum: καὶ ενεργεῖα τροφή, quod actu alimentum est.

39. Futurum alimentum potestate alimentum est: & in potestate vel remota, vel propinqua, vel proxima.

40. In remota potestate alimentum est sanguis, qui non solum in vasis majoribus, sed etiam in capillaribus singularium partium venis & arteriis continetur, & jam quodammodò naturam & qualitates alendarum partium redolet.

41. In potestate propinqua alimenti nomine gaudet is humor, quem artis procures Rorem nuncupant: quod ro- ris in modum per nutriendarum partium substantiam sit diffusus.

42. In proxima potestate alere dicitur humor quem

Gluten vocant: tum quod glutinis instar crassus sit, & viscosus: tum quod partibus alendis jam agglutinetur, iisque firmiter adhæreat.

43. Actu verò alimentum nominatur ille humor, quem veteres Cambium, ab antiquo verbo cambire appellant, quod permutare significat. Jam enim in partium substantiam est conversus, eiq; planè assimilatus, ut actu repararet, quod est à calore consumptum.

44. Nullus verò istorum humorum nomen illius, in quo calidi nativi ratio posita est, meretur: quoniam sunt *ὑστερογενεῖς*, & nobis jam formati atque etiam in lucem editi ex assumpto cibo generantur. At humidum innati calidi *πρωτόγονον* est, non ex cibis à nobis ingestis, variisque modis & rationibus alteratis, sed ex principiis nostræ generationis, semine scilicet & sanguine materno, procreatum.

45. Deinde, humidum alimentarium *εὐλυτον* est, facileque dissipatur: humidum verò primogenium, quia crassum & oleosum, *δύσλυτον* est, ac proinde durat diutiùs, etiam usque ad senium extremum: tametsi non tantum ejus relinquatur, quantum conservare calorem potest.

46. Tertiò, alimentarium humidum per omnem ætatem, etiam si animal non ampliùs capiat incrementum, instaurari potest: primigenium, vel non potest, vel si potest, non æquè tamen bonum reparatur, ac fuit illud, quod discussum.

47. Ex eadem definitione tertiò non obscure elucescit, neque solum spiritum totam complere substantiam innati calidi: neque per spiritum intelligi eum, qui *ἐπίρρυτος*, influens appellatur.

48. Etsi enim & Galenus & quidam alij spiritum aliquando innati calidi titulo dignentur: sciendum tamen hoc fieri, non quòd totam illius essentiam constituat: sed tantum

τὸν καὶ ἐξοχὸν: quoniam ejus est portio nobilissima. At notum, à potiori interdum fieri denominationes.

49. Spiritus autem, cujus in definitione calidi innati mentio facta, ἐπιπύον, qui triplex vulgò constituitur, naturalis, vitalis & animalis, non est: quoniam dictum, & humidum, & spirituosum illud, quod calidum innatum componit, singulis partibus in prima formatione ex semine & sanguine materno esse insertum. At spiritus recensiti innati nobis non sunt: sed naturalis ex puriore venosi sanguinis massa in hepate: vitalis ex sanguine arterioso in corde: animalis partim ex inspirato aëre, partim ex spiritu vitali, partim etiam ex subtili illo sanguine, qui in plexibus arteriolarum cerebri continetur, nobis jam genitis, inque lacem editis, generatur.

50. Quartò, exproposita definitione obviam est cuius, calidum nativum non ipsam esse animā; sed illius duntaxat instrumentum: & quidem commune ac universale, cujus ministerio utitur ad actiones obeundas quaslibet, animales, vitales, & naturales.

51. Non ipsam autem esse animam, etiam *Aristot. l. 2. de part. animal. c. 7. & l. 2. de anim. c. 4.* docet, quamvis de calore solum loquatur. Arbitrari enim calorem animam esse, perinde est, inquit, ac si ferram, aut malleū, fabrum, artemve fabrilem esse affirmaveris.

52. Verum & ratio persuadet, calidum nostrum animam non esse: quia illud corpus est, & corporis proprietates habet, quod de anima dici nequit. Est quoque interitui obnoxium. At anima spiritus est æternus, & immortalis.

53. TEMPERAMENTUM innati calidi quod attinet, est illud in activis ἐνεργειῶν, benè temperatum: *authore Galeno comm. 1. aphor. 14.* Ratio duplex est. Una: quia temperamentum calidi præternaturalis, quale est febrile, igneum est,

& consequenter intemperatum. Altera, quoniam ἀκρῶς
omne vitæ inimicum est. At calidum istud vitæ radix est &
fundamentum: quia vita tandiu perseverat, quamdiu calidi
innati copia suppetit.

54. In passivis autem humidum est, undè & calor
ejus halituosus est blandus, suavis, & mitis. Febricitantium
enim est acer, mordax, tactumque feriens: teste eodem ibi-
dem. Verùm humidum est, non aquea humiditate. Hæc
enim frigida est, tenuis, fluxilis, minimèque tenax atque per-
manens, & propterea ad fovendum, sustentandumque pror-
sus inepta. Sed aëreum, pingue, & oleaginosum. Tale nam-
que calidum est: ac ob id calori ὑμώφουλον. Est quoq; crassius-
culum lentumque, ut durare aliquamdiu, neque tam facilè,
ut aqueum, consumi queat.

55. Cujus autem QUALITATIS & CONDITIO-
NIS sit calidum innatum, valdè controversum est. *Fernelius*,
& qui illum sequuntur, *Valleriola*, *Andernacus*, *Crato*, & alii
volunt, calorem ejus cœlestem esse atque divinum. Alii
contrà, inter quos *Costæus*, *Schegkius*, *Mercenarius*, & *Erastus*,
planè elementarem igneumque esse contendunt: non qui-
dè urentem, qualis elemento ignis inest: (hîc enim non
conservaret, sed omninò destrueret animal:) sed repressum,
castigatum atque ad mediocritatem quandam redactum.
Habetq; utraque sententia suas rationes, quas legere licet
apud *Fernel. lib. 4. φυσικῶν. c. de cal. inn. Valleriol. l. 1. loc. comm. c. 15.*
Schegkium l. de cal. innat. & Mercenar. in dilucidationib. obscur.
Arist. locor.

56. Arbitror ego, salvo rectiùs sentientium judicio,
calorem istum & elementarem, & divinum cœlestemque
nominari posse.

57. Elementarem duplici nomine. I. Ratione ma-
terix: quoniam ex sanguine materno & semine provenit,
quæ

quæ elementaris esse naturæ, nemo, opinor, inficiabitur. Generantur enim ex sanguine vasorum: sanguis ex cibis: cibi ex plantis & animalibus, quæ corpora ortum ab elementis trahunt. II. Ratione sustentationis: quoniam, ut infra dicemus, calor innatus ab influente cordis calore, qui elementaris statuitur ab eruditis, fovetur & aliquandiu conservatur. At conservatio fieri à simili dicitur. III. Ratione passionis: quia ut elementaria omnia variè mutatur, tandemque prorsus interit, sicut infra ostendemus.

58. Cœlestem itidem duplici de causa: I. Ratione *ἀναλογίας* operationum. Ut enim cœlestis calor hæc inferiora corpora, quæ in sublunari mundi regione continentur, reddit prolifica, omniaque suo modo regit, fovet atque conservat: ita calor ille insitus foecundat, cunctaque in corpore gubernat, & eas exercet actiones, quæ animæ, tanquam primario agenti ascribuntur. Hujus enim instrumentum est, & ab illa ad omnes exequendas vitæ actiones adhibentur: adeò ut haud immeritò divinus, propter divinas & stupendas *ἐνέργειας*, appelletur. II. Ratione dependentiæ. Nam quemadmodum alia omnia, quæ elementaris mundi plaga suo complexu coercet, à vivifico illo cœlestium corporum calore illustrantur, juvantur, foveantur, atq; reguntur: sic & calor noster innatus haud parum virtutis inde consequitur.

59. Nec obstat, quòd *Aristot. lib. 2. de gen anim. cap. 3.* scribit, inesse in semine omnium, quod foecunda reddit semina, nempe calorem. Ignem autem non esse, sed spiritum, & ejusmodi naturam, quæ sit *ἀνάλογον τῶν τῶν ἀστρων σοιχείῳ*, proportionem respondeat elemento stellarum. Ignem enim nullum generare animal. Calorem verò Solis & animalium *ἀρχὴν ζωικὴν*, principium habere vitale.

60. Nam *Philosophus* non vult, calorem innatum planè divinum & cœlestem esse, nullo pacto elementarem: sed

hæc est illius sententia, quòd calor seminis in animali non sit igneus & elementaris, neque *quòd ad gradum*, neque *quòd ad facultatem*, sive *virtutem*.

61. Non quòd ad gradum: quoniam ignis calor summus est atque intensissimus: animalium remissus & temperatus.

62. Non quòd ad virtutem: quia calor ignis urit atq; destruit, nullumq; animal producit. Calor verò animalium virtute vitali & generatrice pollet: non quidem per se, quatenus calor est: sed quatenus instrumentum est agentis superioris & primarii, ipsius nimirum animæ, quæ ministerio illius ad generandum utitur.

63. Propterea addit *Philosophus*, calorem seminis *ἀνάλογον* tantum esse coelesti calori, non prorsus cum illo eundem. Licet enim calor seminis elementaris sit: tamen illius vis atque potestas non respondet virtuti caloris elementaris: quia hic destruit animal: seminis calor illud producit. Est ergò *ἀνάλογον* elemento stellarum, hoc est corpori coelesti, quod *Philosophus* quintum elementum propter simplicitatem substantiæ appellat. Quemadmodum enim vis caloris coelestis & præsertim Solaris, animalia gignere valet: ita & vis caloris, qui in semine latet, idem præstare potest. Et sicuti Sol mirabiles in sublunari mundi regione effectus edit: sic & calidum nativum calore suo & spiritu in corpore animalis.

64. Quod si obiiciatur, tamen *Aristotelem* ibidem subdere, calorem seminis *ἢ τε πῦρ εἶναι, ἢ τε ἀπὸ πυρὸς ἔχειν τὴν ἀρχὴν*, neque ignem esse, neque ab igni ducere originem: Respondet *doctissimus Mercenarius*, non velle *Aristotelem*, calorem seminis non ratione essentiae inde oriri, (elementaris enim est, uti probatum) sed innuere solum, quòd neque ratione graduum, neq; ratione virtutis agendi ignis sit, aut ab igne proficiscatur.

65. Ex his manifestum est, haud defendi posse *Ferneli*, viri alioquin præclarissimi, placitum, quando l. 4. *φύλιον*. c. 1. negat, innato calori frigus esse contrarium.

66. Nam cum elementaris sit naturæ, utique contrarium habebit, & quidem non aliud, quam frigiditatem ipsam.

67. Præterea, cum à frigore & minuatur, & extinguitur prorsus, ut infra dicemus, aliquid sanè ab illo patitur, & frigus in illum agit. At actio & passio inter contraria fieri solet, ait *Aristot. 1. gen. & inter. t. 51.*

68. Denique calor innatus in frigida agit alimenta, cum illa concoquere studet. At concoquere nequit, nisi illa alteret. Alteratio autem inter contraria versatur.

69. Verum his missis, ad MATERIAM EX QUA accedamus. Est autem illa gemina, semen & sanguis maternus, quæ duo generationis nostræ sunt principia. Illud quidem solidæ partium substantiæ: hic carnosæ. Ex illo stamina, sive fundamenta jaciuntur partium similarium: ex isto subtegmen nascitur: hoc est, caro cujusque partis propria, sive *παρέγχυμα*. Sanguine namq; inter inania filamentorum illorum spatiola affuso atque inspissato, caro constituitur, quæ cuiq; parti est peculiaris. Itaque solidam substantiam undique circumdat, & quasi obvallat, spatiaque inter fibras vacua, ceu rimas, explet.

70. Hanc materiam authoritas *Galen.* & ratio confirmat.

71. Suprà namque dictum fuit ex libro *adversus Lycum* cap. 7. & lib. 5. *simpl. cap. 5.* innatum calidum sanguineam aëreamque, hoc est spermaticam esse substantiam: vel ipsum esse semen atque sanguinem. Quod quidem sano modo, scilicet in sensu causali, non autem formali, intelligendum est. Non enim calidum innatum per se & formaliter considera-

deratum ipsum semen, ipseque sanguis est: sed substantia ex utroque principio generata.

72. Ratio verò triplex est. I. Quia calidum istud dicitur ἐμφυτον ἢ σύμφυτον, innatum & connatum, itemque ἀρχιγονον, καὶ πρωτόγονον, primogenium, non aliam ob causam, quàm quòd nobis ex primordiis generationis sit implantatum.

73. II. Quia calidum innatum primordiorum istorum naturam sapit. Est enim humidum & spirituosum, & calore undique perfusum: cujus conditionis primordia nostra esse, tam notum est, quàm quod notissimum.

74. III. Quia firmum est, constans, & stabile: & licet semper decrescat, aliquid tamen illius remanet usque ad extremam senectam. Id quod indicio est haud exiguo, innatum calidum ex principiis nativitatis nobis obtigisse. Nam quæ eradicari penitus nequeunt, naturâ nobis inesse videntur.

75. IV. Quia idem viget in recens natis: languet in senibus: mediocriter se habet ætatibus mediis. Quid ita? quia infantes primordiis istis sunt proximi. Senes ab illis remotissimi. Mediocriter absunt ætates mediæ: quemadmodum infrà monstrabimus plenius.

76. MATERIA IN qua, sive subjectum, cui πρώτως inhæret calidum nativum, sunt partes similes: ejusq; causa triplici constant substantia, qua & ipsum calidum est ornatum: solida, humida, sive carnosâ, & spirituosâ. Δευτέρως idem inest partibus dissimilaribus, quæ ex similaribus sunt coagmentatæ.

77. Radicatur autē in Corde, & in illo veluti Regiâ suam habet atque Residentiam, quia ibi copiosius est atq; potentius: Unde Gal. l. 9. meth. med. c. 10. id πηγὴν τῆς ἐμφύτης θερμότητος fontem innati calidi: & l. 6. vs part. c. 7. οἷον ἐστὶν τὸ ἐμφύτης θερμῆς, laicem

larem & focum insiti caloris nominat. Ab illo enim & $\pi\rho\acute{o}\varsigma\tau\omicron\ \eta\upsilon\alpha\iota$, influens calor unâ cum spiritu & sanguine vitali, cujus ratione corpus sanguineorum animalium actu calet, in omnia membra derivatur: ut ab eo, tanquam à Sole, incalescant, & à putredine præserventur,

78. Generale autem calidi istius subjectum est **CORPUS VIVENS**: non Animal solum, sed etiam Planta.

79. Obscurius quidem inesse plantis deprehenditur: quoniam actu sunt frigida: ex forma tamen ejusque operationibus calidum istud iis concessum esse cognoscitur.

80. Forma quippe anima est: quæ cum formarum sit nobilissima, meritò etiam nobilius, quam formæ ceteræ, instrumentum obtinuit.

81. Actiones sunt variæ & multiplices: omnes tamen Naturales à Stoicis, quos hac in parte Medicorum schola sequitur, nuncupatæ: Nutritio, Auctio, & Generatio & quæ duab. priorib. subserviunt, Attractio, Retentio, Cōcoctio, atq; Expulsio: Itē quæ Generationi famulantur, Alteratio, & Formatio: quarum nulla sine caloris ministerio præstari potest. Hoc enim vigente, actiones istæ exercentur laudabiliter: languente, debiliter obeuntur: extincto prorsus, intercidunt, stirpesque moriuntur: quemadmodum per summam hyemis inclementiam fieri cernimus. At redeunte vivifico Solis calore, quæ per hyemem videbantur enectæ, aut saltem otiosæ, ad opera sibi consueta revertuntur. Germinant enim, florent & fructificant: externo nimirum Solis calore internum & nativum adjuvante, illumque quasi sopitum exuscitante.

82. Clarius & certiùs inesse animalibus deprehenditur. Hæc enim quamdiu vivunt, actu calent, longèque plures quàm plantæ, actiones exercent: quæ non tantum $\pi\rho\acute{o}\varsigma\tau\omicron\ \eta\upsilon\alpha\iota$ simpliciter, sed etiam $\pi\rho\acute{o}\varsigma\tau\omicron\ \epsilon\tilde{\nu}\ \eta\upsilon\alpha\iota$ diriguntur.

83. Quò copiosius, quò temperatius, quòq; pinguius & oleosius hoc est calidum, eò vivaciora facit animalia: quò parcius, aut aquosius existit, eò βραχυβιώτερα illa reddit.

84. Abundat illud maximè in pueris atque infantibus, sicuti dictum: quoniam principiis nativitatis, unde illi origo est, vicini sunt.

85. Parem autem quantitatem, quantam accepit ab ortu, ne exquisitissima quidem vivendi lege conservare potest: quoniam calor, qui partim illi insitus est, partim verò aliunde affluit, nunquam otiosus est, sed semper in id agit, & aliquid illius depascitur.

86. Itaque procedente ætate minuitur, tandemque, si Mors animali contingat naturalis, consumitur: eoq; consumpto, calor quoque, qui illi insidet, extinguitur, spiritusque, qui humidum primigenium pro basi habet, evanescit, & Mors subsequitur.

87. MATERIA CIRCA QUAM calidum innatum occupatum est, pabulum ejus, sive fomentum esse videtur.

88. Cùm enim in perpetuo sit fluore, quia calor uterq;, ἐμφυλθὲς καὶ ἐπὶ πρὸς τὸ, assidue ipsum consumit, nisi re aliqua sustentaretur, tandem prorsus interiret.

89. Fovetur autem à calore, sanguine & spiritu influente, quoniam ipsum etiam humidum, spirituosum, & calidum est. At simile simili conservatur.

90. Hæc verò tria, calor, sanguis, & spiritus, pro causis suæ generationis alimenta agnoscunt. Ex iis namque sanguis gignitur: ex sanguine spiritus.

91. Nec tamen inde infertur, quòd hac ratione calidum innatum perennare queat, & mors vitari. Licet enim semper aliquid in locum absorpti humidi radicalis per alimenta reponatur: tamen quod reponitur, non tam bonum est, quàm fuit illud, quod à calore consumptum.

92. Impurius enim longéque deterius est eo , quod decessit, quodque primitus ex semine comparatum fuit. propterea quòd non ita exquisitè atque exactè, ut semen, elaborari possit.

93. Causa duplex est : una materialis : quia seminis materia optimus sanguis est , tùm venosus, tùm arteriosus; qui jam suis in conceptaculis accuratè est elaboratus, perfectéque coctus : & in vasis generationi dicatis elaboratur magis, inque prolificum semen transit. Pabulum autem calidi innati sanguis est & spiritus , qui tot tamque laudabiles alterationes minimè perpeffus. Altera efficiens, calor , qui temporis progressu in nobis fit hebetior. Multò enim usu, inquit, subtilis. *Scalig. exercit. 23. §. 2.* debilitatur, & quasi deteritur. Ideoque non potest, quod ab eo jure exigitur, perficere pensum. Quo fit, ut prima ætate vegetior : tùm quotidiano agitur opere fiat vietus, ac deinde flaccescat : postremò etiam aboleatur.

94. Quare, cùm se habeat ad calidum primævum, sicut se aqua habet ad vinum, quæ vinum reddit debilius, fit, ut calor idoneo destitutus pabulo, tandem evanescat, & mortis inclementia succedat.

95. Ad foventes conservantesque causas calidi innati etiam ventilatio pertinet : quæ in nobis aliisque præcalidis & valdè sanguineis animalibus pulsu & respiratione : in piscibus, qui pulmone carent, cordis pulsu, motuque branchiarum : in exanguibus & insectis sola transpiratione præstat.

96. Ad C A U S A M E F F I C I E N T E M reduximus illas causas, quæ calidum innatum vel mutant, vel prorsus è medio tollunt.

97. Mutantes causæ variæ sunt & multiplices : nimirum Calor ipse, Ætas, Anni tempus, Regio, alia, quæ vel extra vel intra corpus nostrum reperiuntur.

98. Calor uterque, insitus & influens, sicuti dictum, humidum mutat in quantitatem. Id enim minuit: imò tandem prorsus consumit: non secus ac ignis in lampade oleum: ignis in foco ligna.

99. Hinc vitæ & necis Author dicitur. Vitæ quidem per se: quia τῆς ψυχῆς τοῖς ἔργοις ὑπηρετικώτατον τῶν σωμάτων τὸ θερμόν ἐστι, inquit *Aristot. l. 2. part. an. c. 7.* ad exequenda animæ officia calor omnium maximè vim administrandi obtinet. Necis autem per accidens.

100. Dùm enim naturæ instinctu conservari desiderat, (πάντα γὰρ τὰ ἀσθενέστατα ὀρέγεται, ait idem *l. 2. de anim. c. 4.* omnia æternitatem appetunt) fruiturq; humido radicali, tanquam convenienti pabulo, seipsum tandem conficit: sed per accidens: quoniam subjecto, cui inest, & sine quo consistere nequit, à se exhausto, ipse quoque perit.

101. Post calorem se Aetates hominis offerunt: quarum varietate calidum nativum haud parum & in quantitate, & in qualitate variat.

102. Optimum est & copiosissimum in Pueritia & Adolescentia: maximè verò in Pueritia, sub qua etiam Infantiam complectimur. Hæ enim ætates principiis nostræ nativitatis sunt vicinissimæ omnium. Proinde & calidissimæ, & humidissimæ. Illa quippe principia multo & calore, & spiritu, & humore sunt imprægnata.

103. Deficit autem præcipuè in Senectute, quæ ætas hominis est ultima. Quo nomine frigida siccaque hæc ætas existit.

104. Frigidam esse *Galen. lib. 2. de temperam. c. 2* multis rationum momentis planum facit. Ait enim, senes I. ad tactum apparere frigidos. II. In frigidum statum faciliè mutari. III. Nigros lividosque fieri. IV. Frigidis affectibus, utpote apoplexia, stupore, tremore, destillatione, raucedine, promptè

promptè corripì. V. Laborare *ὀλιγαμία*, paucitate sanguinis: hancque ob causam perire in illis ruborem coloris: ipsamq; concoctionem, digestionem, sanguificationem, appositionem, nutritionem, ciborum appetitum, sensum denique atque motum fieri deteriore. Hūc accedit, quòd senium nil dicatur aliud, quàm via ad interitum & mortem. Itaque si mors est caloris nativi extinctio, utique senium veluti tabes quædam illius fuerit.

105. Siccam verò esse *Galenus* 1. *Aristotelis* autoritate confirmat, qui senectutem marcenti stirpi assimilât. Stirpes namque, novellæ dū sunt, humidæ, succulentæ, mollesq; existunt: senescentes assiduè magis siccescunt: tandem aridæ prorsus evadunt: estque hic marcor, & ariditas ista Mors earum.

106. Deinde verò ea ratione, quæ suprâ posita. Calor enim nunquam quiescit: sed semper in humidum agit. Ideoque solidarum partium humidum minuit: quo fit, ut sicciores fiant: & tantò quidem magis, quò diutiùs humidum radicale actioni caloris fuit expositum.

107. Cæterum, licet celebres quidam Medici senectutem siccam statuerint, forsan quòd viderint, oculos senum suffundi lachrymis: nares destillatione manare: in ore salivæ exuperare copiam: tussire item senes & pituitam exscreare: ventrem pituita plenum esse: ipsosque articulos conspici mucosos: *Galenus* tamen asserit, nihil horum obstare, quò minùs senum corpus siccum censeatur. *l. 2. de temperament. c. 2.*

108. Partes enim solidæ, v. g. venæ, nervi, arteriæ, membranæ, & tunicæ omnium instrumentorum multò quàm priùs erant, sicciores deprehenduntur. Circumfunditur autem illis foris & intus aut pituitosus, aut mucosus quidam humor,

109. Sed

109. Sed tantum abest, subdit idem, ut hujusmodi signa senilem ætatem humidam esse probent, ut etiam siccam propè testentur.

110. Nam ideò quævis particula quàm antea siccior evadit, quoniam per caloris imbecillitatem haud similiter nutritur. Foris siquidem illi copia humidi excrementi superfluitat: corpus autem cujusque intrinsecus siccum est, ut quod nec trahere intrò nutrimentum valeat, nec eo sufficienter frui.

111. Est ergò, inquit idem, senex humidus, non propriis suis particulis, sed excrementis. Rursus siccus, non excrementis, sed particulis ipsis. Ita nimirum alia ratione siccus, alia humidus.

112. Verum hic non de excrementis, sed de propriis partibus quæritur. Siccus enim est senex iis partibus, quibus puer erat humidus: nimirum partibus solidis, ossibus, membranis, ligamentis, venis, nervis, arteriis, tunicis, carnibus &c.

113. Reliquæ ætates, quæ jam progressæ sunt ulterius, quantum à Senio absunt, tantum & ab extrema siccitate sunt remotæ. *Galen. ibid.*

114. Qui minores sunt, atque adhuc augeſcunt, tantum illi quoque à foetus humiditate distant, quantum ætate processerunt. *Ibid.*

115. Florida ætas, quæ aliàs juvenilis dicitur, in medio est extremorum: neque sicuti Senectus ad summam perducta siccitatem: neque velut infantium ætas in humore multoque uvido merſa.

116. De calore tamen Puerorum & Juvenum gravis olim inter Medicos erat disceptatio, quam dirimere *Galeno* minimè videtur proclive. Probabiles enim utrorumque sunt rationes: tum eorum, qui pueros statuebant calidiores

res juvenibus: tùm illorum, qui putabant juvenes calore superare pueros.

117. Nos brevitatis studio illas jam tegemus silentio. Legi poterunt apud *Galen. l. 2. de temperament. c. 2.*

118. *Galen*i sententiam de mota controversia plerique sequuntur neoterici. Is neutrum admittit placitum: persuasum habens, calorem puerorum & ætate florentium, hoc est juvenum, esse æqualem, & quò ad quantitarem parem: differre solùm qualitate.

119. Puerorum namque calor halituosus est, mitis, & suavis: juvenum siccus, subacris, adeoque tangenti haud perinde gratus atque acceptus.

120. Ait enim *Galenus*, puerorum substantiam humidam esse atque aëream: ideoque quod ex illa expirat, esse vaporosum: juvenum contra siccam & propterea, quod ex illa defluit, esse fumosum, fuliginosumque, acre, atque insuave.

121. Juvenum calorem acriorem sicciolemque esse concedimus: quantitate autem puerorum calori prorsus æqualem, vix defendere possumus: quoniam suprà dictum, calidum in pueritia & infantia esse copiosissimum, quòd hæ ætates principiis generationis suæ, quæ calida sunt, atque humida, sint proxima.

122. Dirimi forsan controversia potest, si dicatur, pueros calidiores esse quantitativè & extensivè, quia plures caloris gradus habent: illorum autem calorem tactum minùs ferire, quoniam ab exuperantia humoris, qua puerorum corpus pollet, est mitigatus atque retusus. Juvenes verò calidiores esse qualitativè & intensivè, quoniam calor eorum est acrior: idque ob siccitatem temperamenti, quæ caloris lima à *Philosophis* perhibetur.

123. Tertia mutationis calidi nativi causa sunt 4. Anni tempora.

124. Hyberno enim tempore calor innatus in nobis viget; æstivo verò plurimum minuitur.

125. Ratio est in promptu. Nam hyeme circundantis nos aëris frigus corpora contingens calorem unâ cum sanguine & spiritu, quibus inest, intrò repellit in profundum, forisque cutis spiracula adstringens calorem cogit, atque ita coërcet, ut nihil ejus, aut parum effluere possit.

126. Aestivo contrà tempore, quoniam ambientis fervor corporum spiramenta laxat, & interiores tum spiritus, tum humores foràs elicit, necesse est plurimum caloris in aërem nobis circumfusus diffluere: exiguum verò intus contineri.

127. Vere calor similiter in nobis abundat, teste *Hippocrat. aphor. 15. s. 1.* præsertim in ejus principio, quod affine præcedenti hyemi: minus in parte ejus media: minusque adhuc in fine: quoniam hæ partes ætati sequenti sunt cognatæ.

128. Autumnus propter inæqualitatem suam multum negotii calori faceffit. Nunc enim elicitur foras, ob calorem meridionalem: nunc intrò compellitur, ob vespere noctisque frigiditatem.

129. Porro, quemadmodum anni tempora caloris quantitatem augent & minuunt: sic etiam ejusdem qualitatem mutant.

130. Etenim ferventissima æstas substantiam corporis nostri quasi torret, facitque, ut qui calor erat temperatus, naturæ suæ metas excedat.

131. Hyemis sævitia calorem in corporibus sanguineis, multoque spiritu & calore refertis, suo ferè in statu relinquit. Exanguium verò animalium calorem vel lædit plurimum, vel prorsus extinguit, ipsaque animalia interimit. Id quòd etiam in hominibus efficere solet, quibus natura est infirmior, & calor exiguus.

132. Quarta mutationis istius causa est Regionum
varietas.

133. Nam sub Austro, zonaque torrida, inquit *Fernel.*
lib 4 φυσιολ. c. 9. paucior hominibus inest calor, sed acrior. Sub
Aquilone calidum nativum abundat. In ultimis terræ Re-
gionibus præ frigore vix ullum animal hyberno tempore
vivit.

134. Præter hasce causas etiam aliæ sunt, tùm exter-
næ, tùm internæ, quæ calidum nativum & in quantitate, &
in qualitate mutant.

135. Ex evidentibus atque externis sunt cibi & potus
insigniter calefacientes & exiccantes: diuturnæ vigiliæ: ine-
diæ: labores indefessi atque assidui: sitis tolerantia nimia:
mœror & luctus acerbus, isque longus: curæ graves: ira-
undia, balnea sicca, quæ vocantur stuphæ & laconica: ther-
mæ potenter siccantes: medicamenta fortiter purgantia,
ut aliàs strenuè calefacientia & siccantia, præsidia alia enor-
miter vacuantia: veneris usus immodicus, qui ad cali-
um innatum exhauriendum tantum virium habet, ut pas-
eres mares, quoniam salacissimi, brevioris sint ævi, quam
feminae, & muli vivaciores equabus & asinis, à quibus ge-
nerantur. A Venere enim abstinent: parentes autem illo-
rum eandem exercent.

136. Ex causis internis sunt omnes morbi chronici:
febres item ardentes, colliquativæ, & hæcticæ, præsertim quæ
dicuntur *μαρασμώδεις*. Per has enim homo insiti illius humo-
ris, spiritus & caloris magnam patitur jacturam, extremam-
que virium omnium infirmitatem. Nam pro corporis sic-
citate & consumptione oculi fiunt cavi, tempora collapsa,
alpebræ aridæ, ut vix attolli queant, & non secus ac dor-
mientibus conniveant, frons dura, intenta, & sicca, facies
qualida & plumbea, cujus vividus color perit: venter quasi
D inanis,

inanis, depressus atque contractus, reliquumque corpus adeò aridum, ut nihil præter ossa prominentia, membranis & cute obducta, restare, & corpus quasi vivum quoddam σκελετόν esse videatur.

137. Modi, quibus calor noster, non solum innatus, verum etiam influens extinguitur, duo sunt: unus manifestus: alter abditus, nobisque planè incognitus.

138. Manifestus iterum quadruplex. I. Σφοδρίς, extinctio. II. Πνίξις, suffocatio. III. Μόρανσις, marcor. IV. Μάνωσις, rarefactio.

139. Extinguitur autem à frigore, quod illi est contrarium. Suffocatur ab humorum excrementorumve, & fuliginum copia. Marcescit ob alimentum humidum inopiam. Rarefactione & amplificatione pororum, quæ fit à calore externo, evocatur atque dispergitur.

140. Hisce quatuor modis quidam addunt quintum, prohibitam ventilationem & refrigerationem, cujus causa frequentissima in nobis est obstructio, vel constipatio. Ventilatio enim calori usque adeò necessaria est, ut ea sublata, calor statim intereat. Id quod non solum Hippocr. l. de nat. pueri, sed etiam Galenus lib. de util. respirat. & Aristotel. lib. de juventut. & senectut. c. 3. memoriæ prodiderunt.

141. Si, inquit Philosophus, servari calor debet, si animal vivere, calorem refrigerari & ventilari oportet.

142. Verum hic corruptionis modus aut ad suffocationem, aut ad marcorem reduci potest.

143. Nam prohibita ventilatione, calor suffocatur, non secus ac flamma à crasso multoque fumo. Cum etiam ventilari non potest, plus justo crescit atque intenditur. Factus autem intensior, humidum, quod idoneum sibi est pabulum, absorbet: quo absorpto, etiam calor ipse perit: haud aliter atque ignis in foco, ob defectum lignorum, aut flam-

ma in

ma in lampade, ob penuriam olei: teste *Aristot.* loco jam allegato.

144. Abditus atque occultus extinctionis modus est, quando calor à causa aliqua nobis planè incognita destruitur.

145. Hujus ordinis sunt quædam pharmacorum genera, quæ maligna & venenata: & cum primis illa, quæ *συντληνὰ*, putrefacientia appellantur. Hæc enim inquit *Fernelius lib. 6. meth. med. c. 18.* insito nobis calori adversissima sunt, ejusque vim atque substantiam prorsus demoliantur: idque dupliciter. I. Propter summam caloris acrimoniam, qua calorem nativum dissipant, aut in igneum convertunt. II. Propter qualitatem malignam, qua humidum primogenitum dissolvunt, & omnem partis substantiam tabefaciunt atque colliquant, & cum putredine foetorem inducunt. Qualitate enim prorsus maligna atque venenata carnis, quam attingunt, substantiam corrumpunt, & in cadaverosam putredinem deducunt, quæ multò est deterior quàm ex gangræna. Talia esse scribit Auripigmentum, seu Arsenicum, Sandaracam, Chrysocollam, Dryopteris, Pythiocampen. Talem etiam esse perhibent *Aetius, Pausanias, Aelianus, Dioscorides, Nicander*, alii, illud serpentis genus, quod Seps & Sepeleon, *παρὰ τὸ σήπλειν*, à putrefaciendo nomen accepit. Quos enim tangit, eos statim ob veneni sui malignitatem putrefacit.

146. Cæterum citius interit calidum innatum, quo calor est remissior, quoque humidum in quantitate est parvius, & in qualitate aquosius. Diutius verò perseverat, quòd calor est uberius, humidum in quantitate copiosius, & in qualitate pingue, oleosum, & aëreum magis.

147. Hinc videre licet, cuncta animalia *μικροβιότερα* vivaciora que esse, quæ calore, spiritu, & humido radicali,

eoque pingui abundant. *Βραχυβιώτερα*, quibus calor est exiguus, spiritus pauci, humidum vel modicum, vel certè tenue atque aquosum.

148. Calor namque exiguus facilè extinguitur: spiritus pauci brevè dissipantur. Humidum aquosum promptè consumitur. Contrà humiditas copiosa calorem diu conservat, præsertim illa, quæ pinguis, oleaginea & aërea. Non enim ut aquea calori est inimica: nec ut illa facilè concre-
scit: nec tamen adeò sicca est, ut facilè exarescat.

149. Superest ultimum disputationis caput quod est de *FINE, USU, & NECESSITATE* calidi nativi.

150. Est autem *U s u s* calidi istius longè maximus penèque inexplicabilis. Est enim commune Animæ instrumentum, quo actiones suas perficit. Ex calore quippe, spiritu & humore constat. At nihil in vivente corpore sine calore agere Anima valet. Hoc enim vigente vigent actiones: languente languent: intereunte intereunt & abolentur.

151. Par ratio spiritus est, sine quo anima est otiosa. Unde & vehiculum facultatum ejus, nominatur.

152. Sine humore autem neque animalibus, neque plantis esse licet. Fundamentum enim caloris est atque spiritus: & quemadmodum calore & spiritu vivimus, ita humore nutrimur.

153. Est quoque humor iste caloris pabulum, quo ille sustentatur. Ideoque pabulo deficiente, calor quoq; evanescit.

154. Sed & omnia calidum in corpore conservat: omniaque à putredine præservat. Ideoque eo extincto homo friget, moritur, putrescit.

155. Pro ratione quantitatis & qualitate ejus brevius diutiusque vivimus, uti suprà indicatum.

156. Per hoc Natura morbos, morbificasque causas in ægrotantibus profligat: & in morbis, qui κρίσει solvuntur, primum peccantem materiam coquit: deinde inutilem ab utili secernit: tùm inutilem excernit: & quidem vel prorsus extra corpus: quæ κρίσεως species ἐκκρίσις appellatur: vel saltem ex priori foco extrudit, & ad locum alium transfert: qui κρίσεως modus ἀπόσκημα, ἢ ἀπόσκημμα, abscessus nuncupari solet.

157. Reliquos morbos paulatim finit: & quidem vel digestionem & dissipationem causarum: vel sensibili earundem vacuatione: vel transmutatione in speciem aliam. Tot enim modis morbi apud Hippocratem terminantur.

158. Hinc Natura, quæ ministerio calidi nativi utitur, medicatrix morborum ab eodem lib. 6. Epidem. §. 5. nominatur: quoniam primaria est curationis causa: licet & Medicina, & Medicus, & medicamenta, & qui Medico famulantur artifices, ut pharmacopœi, chirurgi, coqui, balneatores & sacrificatores, suo quoque modo morbis mederi dicantur: quemadmodum Galen. in Com-

mentar. citati loci fusè & eleganter explicat.





COROLLARIA.

I.

Lienem cursoribus tutò eximi posse fabulosum est.

II.

Malè sentiunt, qui persuasum habent, leviora remedia prius semper usurpanda esse, iisque nihil proficientibus ad fortiora demum accedendum.

III.

Magnitudo morbi nequaquam est genuinum venæ sectionis indicans.

IV.

Neque sola plethora tale est illius indicans.

V.

Morbos, quos Fernelius vocat Materiei, pro novis morbis non agnoscimus.

VI.

Agnoscimus autem morbos illos occultos, quos ille totius substantiæ appellat, pestilentes, contagiosos, & venenatos.

Ejus

VII.

*Esus cochlearum sine ratione probabili phthi-
sicis commendatur.*

VIII.

*Urgente necessitate gravidis & purgantia præ-
scribi, & sanguis detrahi potest utiliter.*

IX.

*Purgatio tamen Venæ sectione in iisdem peri-
culosior videtur.*

F I N I S.



